

歷代名醫蒙求

歷代名醫蒙求卷

案菴周

王纂驅獺 師皇醫龍

異苑王纂海陵人少習經方尤精針宋元
嘉中縣人張方女日暮宿廣陵廟門下夜
有物假作其婿來魅惑成病纂爲治之始
下一針有獺從女被內走出病遂愈

列仙傳馬師皇黃帝時獸醫也善知馬形
氣生死之診治之愈後有龍下向之垂耳

張口師皇曰此龍有病知我能已之也乃針其脣下及口中以甘草湯飲之而愈又數日有龍出造而治之一旦龍負之而去不知何所也

君異栽杏 阮丘種葱

神仙傳董奉字君異居廬山不田作爲人治病亦不取錢物但使人重病得愈者爲栽杏五株輕病得愈者栽杏一株如此數年杏有万株鬱然成林羣蟲戲其下常

無生草有如新除也於是杏子大熟奉嘗
語人曰欲買杏者不須來報之但徑自往
取之一器穀便得一器杏嘗以有穀少而
取杏多者即有虎號嘯而逐之所得者穀
救賑貧乏供給行侶歲消三百斛而所餘
猶多一旦昇天去

列仙傳黃阮丘者睦山道士也衣裘披髮
耳六七寸口中無齒日行四五百里每止於
山上種葱蒔貨藥以度世百有餘年人皆不

識之及朱璜指出方知其神人候之已不見矣

安常鍼兒幾道謁翁

夷堅志朱新仲祖居桐城時親識間有一婦人妊娠將產七日而子不下藥餌符水無所不用待死而已名醫李幾道偶在朱公舍朱引至婦人家視之李曰此百藥無可施唯有鍼法然吾藝未至此不敢措手耳遂還而幾道之師龐安常適過門遂同

謁朱朱告之曰人命至重公能不惜一行
救之否安常許諾相與同往纔見孕者即
連呼曰不死令其家人以湯溫其腰腹間
安常以手上下拊摩之孕者覺腸胃微痛
呻吟間生一男子母子皆無恙其家驚喜
拜謝敬之如神而不知其所以然安常曰
兒已出胞而一手誤執母腸胃不復能脫
故雖投藥而無益適吾隔腸捫兒手所在
鍼其虎口兒既痛即縮手所以遠生無它

術也試令取兒視之右手虎口有鍼痕其
妙至此

鉸匠鈴蛇 術士挑蟲

玉堂閑話近朝中書舍人于遘嘗中蠱毒
醫治無門遂長告漸欲遠適尋醫一日策
杖坐于中門之外忽有釘鉸匠見之問曰
何苦而羸朶如是于即爲陳之匠曰某亦
曾中此遇良工爲某鈴出一蛇而愈某亦
傳得其術遘欣然且祈之彼曰此細事耳

來早請勿食某當至矣翊日果至請邁向
明張口執鈴俟之一夾而中其蛇已及二
寸許赤色鹿如釵股矣遽命火焚之邁遂
愈匠不受遺但云某有誓救人唯引數觴
而別

玉堂閑話江淮州郡火令最嚴犯者無赦
高駢鎮維揚有術士之家延火燒數千戶
主者錄之即付於法臨刃謂監刑者曰某
之愆尤一死何以塞責然某有薄技可以

傳授一人俾其救濟後人死無所恨矣時
駢延待方術之士恒如飢渴監刑者即緩
之馳白於駢駢召入親問之曰某無它術
唯善醫大風駢曰何以覈之對曰但於福
田院選一最劇者可以試之遂如言乃置
患者於隙空中飲以乳香酒數升則懵然
無知以利刃開其腦縫挑出蟲可盈掬長
僅二寸然以膏藥封其瘡別與藥服之而
更節其飲食動息之候旬餘瘡盡愈纔一

月眉鬚已生肌肉光淨如不患者駢禮術士爲上客

蹇雄父子 度嚮兄弟

南齊史徐蹇字伯成丹陽人與兄文伯皆善醫藥蹇性祕忌承奉不得其意雖貴爲王公不爲措療魏孝文遷洛除中散大夫徐雄蹇之子爲貧外散騎侍郎醫術爲江左所稱至雄子之才貴或贈太常卿兗州刺史

宋書徐道度熙之長子少精醫術長有父風位至蘭陵太守叔嚮熙之次子善於政理尤工醫術官至太山太守

樊阿青黏 負局白水

魏志彭城樊阿從佗學善針凡醫賈咸言背及胷藏之間不可妄針針之不過四分而阿針背入二三寸巨闕胷藏針下五六寸而病輒皆瘳佗授以漆葉青黏散漆葉屑一升青黏屑十四兩以是爲率言又服

去三蟲利五藏輕軀使人頭不白阿從其
言壽百餘歲漆葉處所而有青黏生於豐
沛彭城及朝歌云青黏一名地節一名黃
芝主理五藏益精氣

列仙傳負局先生吳人也莫知其姓名負
石磨鏡只取一錢輒問人得無疾苦乎有
即出紫丸與之服服者病無不差如此數
十年後大疫藥活數萬許人不取一文後
上吳山絕崖世世懸藥與下人欲去時語

人曰吾欲還蓬萊山爲汝曹下神水崖頭
一旦有水色白從石間流下服之疾愈吳
人乃知非常人也

徐鈞塗心 俞附浣胃

續仙傳徐鈞者不知何許人自稱蓬萊釣
者常腰一葫蘆棹扁舟泛五湖所得魚沿
江博酒吟詠而歸或見疾病者取藥一粒
如麻子許令人以酒塗心上皆安或有問
之此藥可食否曰可食恐憎飯去有好事

者吞之自然絕食人方信之一旦遁去

史記俞附者黃帝臣也善醫術所治湯液
醪灑鑱石橋引案机毒熨一撥見病之應
因五藏之輸乃割皮解肌訣脉結筋搦髓
折胛爪膜漚浣腸胃漱滌五藏鍊精易形

宮制三物 許用一味

晉書宮泰幼好墳典雅尚方術有一藝長
於己者必千里尋之以此精心善拯諸疾
於氣尤精制三物散方治喘嗽上氣甚有

異効世所貴焉

譚賓錄許裔宗名醫若神人謂之曰何不著書以貽將來裔宗曰醫乃意也在人思慮又脉候幽玄甚難別意之所解口莫能宣古之名手唯是別脉脉既精別然後識病病之於藥有正相當者唯須用一味直攻彼病即立可愈今不能別脉莫識病源以情臆度多安藥味譬之於獵不知兔處多發人馬空廣遮圍或冀一人偶然逢也

以此療病不亦踈乎脉之深趣既不可言
故不能著述

建肯不仕

璟知非娠

神仙傳沈建丹陽人父爲長吏而建獨好
學道不肯仕宦學導引服食之術延年
却老之法又能治病病無輕重見治輒愈
建斷穀不食輕舉飛行或去或來如此三
百餘年乃絕亦不知所之

夷堅志潘璟字溫叟名醫也虞部員外郎

張咸妻孕五歲南陵尉富昌齡妻孕二歲
團練使劉彛孫妾孕十有四月皆未育璟
視之曰疾也凡醫妾以爲有娠耳於是作
大劑飲之虞部妻隋肉塊百餘有眉目狀
昌齡妻夢二童子色漆黑倉卒怖悸疾走
而去彛孫妾墮大蛇猶蜿蜒不死三婦人
皆平安

張銳兩治 趙巒六神

夷堅志成州團練使張銳字子剛以醫著知

名蔡魯公之孫婦有娠及期而病國醫皆以爲陽證傷寒懼胎之墮不敢投涼劑魯公密邀銳視之銳曰兒十月將生矣何藥之能敗即以常法與藥且使倍服之半日而兒生病亦失去明日婦大泄而喉閉不入食衆醫復指言其疵且曰二疾如冰炭又產蓐甫尔雖扁鵲復生無活理也銳曰無庸憂將使即日愈乃取藥數十粒使吞之咽喉即平泄亦止逮滿月魯公開宴請

銳爲客公親酌酒爲壽曰君之術通神吾不敢知敢問一藥而治兩疾何也銳曰此於經無所載特以意處之向者所用乃附子理中元畏以紫雪耳方喉閉不通非至寒藥不爲用旣已下咽則消釋無餘其得至腹中者附子力也故一服而兩疾愈公大加歎異盡斂席上金匕箸遺之

名醫錄汾州酒戶武妻王氏得病有聲若蝦蟇常欲手按之不測聲聲相接郡醫皆

弗能辨聞晉陽山人趙巒屈彼命訖之巒
曰此因所驚吞服其氣入于臟腑成疾故
作當聲斯病之應象也王氏曰因邊水行
次有大蝦蟇躍高數尺蟇作一聲氏忽然
驚叫便覺右脇卒痛自後漸作聲巒乃與
六神丹服之來日取下青涎類蝦蟇之衣
遂差趙巒本太原晉陽人愚嘗問王氏之
病巒言訖得右關脉伏結水積病其如作
聲者非感其聲之氣焉能亦聲也故止作

積病用六神丹泄之而差也

孫使醋泥僧用埴塵

北夢瑣言火燒瘡無出醋泥甚驗孫光憲
嘗家人作煎餅一婢抱孩子擁爐不覺落
大炭之上遽以醋泥傳之至曉不痛亦無
瘢痕是知俗說亦不厭多聞

名醫錄温州有上高匠溫興因造屋上梁
失脚墜地地上有鏟頭豎柱傍脚被傷血
如湧出村中無藥却有門徒僧道光於空

屋門扇上聚得一撮縫塵掩定即血不出
痛止兩日便輒堅興問道光縫塵如何治
得金瘡曰古人用門程塵者此也

歧伯嘗味小郝吐津

帝王世紀歧伯黃帝臣也帝使歧伯嘗味
草木典主醫病經方本草素問之書咸皆
出焉

夷堅志李次仲與小郝先生游建康市啜
茶於肆中有丐者蹣跚行前滿股皆瘡穢

李謂郝曰此人惡瘡如此願先生救之郝
曰不難也正恐恠奇驚衆耳李固請之
郝索紙一幅吐津塗其上稠如膠錫持以
與丐者移時問之曰覺熱否曰始時甚痛
已而極痒今正熱不可忍郝揭紙命李視
之病瘡處新肉已滿癰痕悉平市人聞者
爭來聚觀郝忽於衆中逸去李急追訪不
及矣

周廣觀色 鳴鶴刺血

明皇雜錄開元年有名紀朋者吳人也嘗授祕訣於隱士周廣觀人顏色便知疾深淺言之精詳不待詠候

譚賓錄唐高宗苦風眩頭目不能視召侍醫秦鳴鶴詎之秦曰風毒上攻若刺頭出少血愈矣天后自簾中怒曰此可斬也天子頭上豈是出血處耶鳴鶴叩頭請命上曰醫人議病理不加罪且頭重悶殆不能忍出血未必不佳朕意決矣命刺之鳴鶴

刺百會及腦戶出血上曰吾眼明矣言未
畢后自簾中頂禮以謝之曰此天賜我師
也躬負繒寶以遺之

涪翁針經 叔和脉訣

漢書涪翁者不知其姓名復何郡人後漢
時釣於涪水時人莫知能識因號涪翁焉
於術所治病不限貴賤皆磨踵救之而不
求報著針經詠脉之法甚爲當代所重後
莫知所之初廣漢程高服膺事之乃得

其禁方

高湛養生論王叔和高平人博好經方尤精診處洞識攝養之道深曉療病之源撰成脉訣大行于世至今行用

華佗瀋陽李豹尉火脇

魏志華佗字元化沛國譙人也一名專游學徐土兼通數經曉養性之術時人以爲年且百歲而貌有壯容又精方藥若病結積在內針藥所不能及當須剗割者便飲

其麻沸散須臾便如醉死無所知因破取
病若在腸中便斷腸湔洗縫腹膏摩罽
日差不痛人亦不自寤一月之間即平復
史記李豹者六國時越人弟子不知何許
人師事扁鵲受禁方親承教道當代知其
盛名號太子慶死始蘇越人命李豹爲五
分之熨以入滅也和劑煮之以熨兩脇下
太子遂能起坐焉

山叟辨蛟 王隱議鱉

名醫錄古有患者飲食如故發則如顛面
色青黃小腹脹滿狀如妖婦醫訖其脉與
證皆異而難明主療忽日有一山叟曰聞開
皇六年灞橋有人患此病蓋因三月八日邊
水食芹菜得之有識者曰此蛟龍病也爲
龍遊於芹菜上不幸食之而病也送以寒
食餉每劑五合服之數劑吐出一物雖小
但似蛟龍狀而有兩頭其病者依而治之
亦得効也

名醫錄古有主與奴俱病腹中有結積揣之如鰈之形推之乃動飲食不進面黃羸瘦醫者以積病治之不効又醫者曰病既推之動非積也乃承氣作氣治之亦不効忽日其奴先殂主遂破奴腹視之有一物白若鰈狀猶活衆訝而觀次有乘白馬適值馬尿落鰈上其頭足皆縮主以馬尿灌之遂化爲水主喜曰吾疾差矣後至太平興

國中

真宗講求方書醫官王隱等參祕斯乃
蟲病也可加檳榔苦練之類兼治之令病
源收作鱉瘕者是也

卿詐魚膾 趙供鰻羹

北夢瑣言有一年少眼中常見一小鏡子
俾醫工趙卿診之與少年期來晨以魚膾
奉候少年及期赴之延於內且令從容俟
客退後方接俄而設臺子上施一甌芥醋
更無他味卿亦未出迨禺中久候不至少

年飢甚且聞醋香不免輕啜之逡巡又啜之覺胃中豁然眼花不見因竭甌啜之趙卿知之方出少年以啜醋慙謝卿曰郎君先因喫膾太多醬醋不快又有魚鱗在胃中所以眼花適來所脩醬醋只欲郎君因飢以啜之果愈此疾烹鮮之會乃權詐也請退謀朝餐他妙多斯類也

名醫錄越州鏡湖有邵長者家女年十七八染瘵疾累年不愈女謂母曰妾無由脫

此疾與妾新衣梳裹仍將棺木盛我送長
流水中令我清涼逍遙化去母云不可女
曰不依妾言我即自盡仍教傳柒家中不
絕父母不奈何乃依此語有錢清江打魚
趙十於沙灘見棺木乃開見一女子遂扶
棺木抱下船中與飯并羹女云告你逐日
與我此羹并飯我得安後家中報謝你後
果獲大安趙十夫婦尋邵長者家其家大
驚喜問女如何得命女曰趙十日日煮鰻

羹供我食食覺內熱之病皆無矣邵長者遂酬趙三百千金醫所用鰻煎乃此意也

宋邑率性 程據徇情

史記宋邑臨淄人率性仁愛志尚醫術就太倉長淳于意學五詎脉論之術遂爲良醫也

晉中興書程據爲太醫令武帝初受禪改元爲太始據以醫術承恩出入禁闥因徇

情爲賈后合已豆杏子丸害敗心懷太子遂就戮焉

劉德精妙之才神明

晉書劉德彭城人也少以醫方自達衆疾於虛勞尤爲精妙療之隨手而愈猶是向風千里而至者多矣官至太醫校尉

張太素齊書徐之才字士茂高平金鄉人五葉祖仲融隱於秦望山有道士過之求飲因留葫蘆遺之曰習此子孫當以道術

救世位至二千石開視乃扁鵲鏡經一卷
習之遂爲良醫至濮陽太守父雄負外
散騎侍郎代傳其術號爲神明

李脩奔宋 胡軻歸京

北史李脩字思祖本陽城館陶人也父亮
少學醫術未能精究大武時奔宋

名醫錄兩浙錢鏐患一目失明聞中國有
醫胡軻者善醫上言求之晉祖遣軻泛船
而軻視其目曰尚父可無療此疾當延五

七歲壽若抉膜去障眼即依舊但慮損福
尔鏐曰吾願得不為一目鬼於地下足矣
願賢盡其術以療之當厚為謝軻為治之
眼乃復故鏐大喜凡賂金帛寶帶五万緡
具舟送軻歸京軻至京鏐已卒矣

衛沉小才杜度上手

仲景方衛沉不知何許人為仲景弟子知
書疏有小才撰四逆三部厥經及婦人胎
藏經及小兒顛顛方三卷皆所制當代知

其盛名焉

仲景方杜度不知何許人仲景弟子也識見弘敏器宇深重淡於驕矜尚於救濟服事仲景多獲禁方遂為名醫當時稱為上手焉

醫博燒裨 光遜吸酒

名醫錄台州徐侍郎有寵姬美色因患時氣病起未旬日間侍郎與此姬交合陰陽至晚頭昏發熱狂躁醫工治之不差忽

有陳醫博與侍郎相愛醫博將此姬身上
見著襯衣一腰當陰割裊褙燒灰乳香酒
調與侍郎服之當夜得睡寒熱更無侍郎
問醫博此方出甚文字醫博曰此方出於
外臺祕要

玉堂閑話近代曹州觀察判官申光遜言
本家桂林有官人孫仲敖寓居于桂交廣
人也申往謁之延於臥內冠簪相見曰非
慵於巾櫛也蓋患腦痛爾即命醇酒升餘

以辛辣物泊胡椒乾薑等屑之僅半杯以
溫酒調又於枕函中取一黑漆筭如今之
筮傾安於鼻竅吸之至盡方就枕有汗出
表其疾立愈蓋鼻飲蠻獠之類

白岑囊中葛洪肘後

國史補白岑曾遇異人傳發背方其驗十
全岑賣弄以求利後爲淮南小將節度高
適脅取之其方然不甚効岑至九江爲虎
所食驛吏於囊中得真本太原王昇之寫

以傳布

晉中興書葛洪字稚川丹陽句容人洪年十六始習孝經論語周易但貪廣覽於衆書曾不披涉自正經諸史百家之言下至短雜文章近得万卷自號抱朴子善養性之術明拯救之法撰經用効驗諸藥方三卷號曰肘後又撰玉函方一百卷于今行用洪性雅尚攝生尤好隱逸撰神農傳十卷示其所好也時年八十一視其貌如嬰

童平生躰亦軟弱舉屍就棺甚輕如空衣時有知者咸以爲尸解得仙焉

秋夫針鬼 李祐救婦

談藪宋徐秋夫爲射陽令嘗有鬼呻吟聲甚悽苦秋夫問曰汝是鬼也何所須鬼曰我姓斛斯家在東陽患腰痛而死雖爲鬼疼痛猶不可忍聞君善術願見救濟秋夫曰汝是鬼無形云何措治鬼曰君但縛葛作人按孔穴針秋夫如其言爲針四處又

針肩井三處設祭而埋之明日見一人來
謝曰蒙君療疾復爲設祭除飢解疾感惠
實多忽然不見當代伏其通靈

蜀異志李祐爲淮西將元和十三年送款
歸國裴度破具元濟入其城官軍有剥婦
人衣至裸躰者祐有新婦姜氏懷孕五月
矣爲亂卒所劫以刀劃其腹姜氏氣絕踣
地祐歸見之腹開尺餘因脫衣襦裹之一
夕復蘇傳以神藥而平滿十月產一子朝

廷以祐歸國功授一子官字曰行脩年三十餘爲南海節度罷歸卒於道

季舒不怠 何顥無虛

北齊書崔季舒字叔正博陵安平人少孤明敏有識幹精於醫術經方本草常所披覽天保中於徙所無事更銳意研精後雖位望顯貴亦不懈怠

何顥別傳何顥有知人之鑒同郡張仲景總角造顥謂曰君用思精密而韻不能高

後將爲良醫卒如其言願先識獨覺言無
虛發

徐療沉滯 綽治偏枯

南史徐嗣伯字德沼善清言精於醫術曾
有一嫗患滯冷積年差嗣伯爲之訴疾曰
此屍注也當須死人枕煮服之可愈於是
就古塚中得一枕枕已半邊腐缺服之即
差後秣陵人張景腹脹面黃衆醫不療以
問嗣伯嗣伯曰此石蛭耳當以死人枕煮

服之依語煮枕以服之得大利虵蟲頭堅
如石者五六升許病即差後沈僧翼眼痛
又多見鬼物以問之嗣伯曰邪氣入肝可
覓死人枕煮服之竟可埋枕於故處如其
言又愈王晏知而問之曰三病不同而皆
用死人枕療之俱差何也荅曰屍注者鬼
氣也伏而未起故令人沉滯得死人枕促
之魂氣飛越不復附軀故屍注可差石虵
者醫療既僻虵蟲轉堅世間藥不能除所

以須鬼物馳之然後可散也夫邪氣入肝
故使眼痛而見魍魎應須邪物以鉤其氣
因而去之所以令埋於故處也晏深歎其
神妙

呂氏春秋魯有公孫綽者告人曰我能治
偏枯令吾倍爲偏枯之藥則可以起死人
循陳高允 李愈仲舒

後魏書高允微有不適猶不寢臥呼醫請
藥出入行止吟咏如常高祖文明太后聞

而遣醫李循往脉視之告以無恙循入密
陳允榮衛有異懼其不久如是數日夜中
卒家人莫覺

神仙傳李少君與議郎董仲舒相親見仲
舒宿有疾躰枯氣少少君乃與成藥三劑
齒落更生服盡五劑命不復傾

子雲施人 鄧訓縛胡

真境錄夏侯天師名子雲親植芝蘭於藥
圃自言古聖以上藥養神中藥養性下藥

遣病可使人神靈可使人性明可使人病
愈常施藥於鄆市皆隨人淺深而遇之
史記鄧訓爲護烏桓校尉羌胡恥病死每
病臨困取刀自刺訓聞有病困者輒拘縛
束不與兵刃使醫藥療之愈者非一小大
莫不感悅

李醫何功 飲子有福

夷堅志李醫者忘其名撫州人醫道大行
崇仁縣有富民病詣郡邀李治之約病愈

當以錢五百貫爲謝李拯療旬日不少差
乃謁病者之子求去諭以別呼醫且曰臨
川他醫不可用獨王生可耳時王李名相
甲乙皆良醫也病者家亦以李久留不効
喜其辭李歸未半道逢王醫李以曲折告
王曰兄猶不能治吾伎出兄下遠甚今往
無益不如俱歸李曰不然吾得其脉甚精
處藥甚當然主人疾不愈者自度運窮不
當得謝錢尔故告辭公但一往吾所用藥

今尚有之以與公只以此治之必愈王素
敬重李如其戒既具病悉用李藥微易湯
使三日有瘳富家以五百緡謝遣之王不
敢獨擅今進其半李力辭曰吾不應得此
故主人病不愈今之所以愈公力也吾何
功公治疾而吾受謝必不可王不能強

玉堂閑話長安完盛日有一家於西市賣
飲子用常常之藥不過數味亦不閑方脉
無問何疾百文售一服千種之疾入口而

愈常於寬宅中置大鍋鑊日夜坐斫煎煮
給之不暇獲利甚極時有田令孜有疾召
遍國師了無其徵忽有親知白田曰西市
飲子何妨試之遂遣僕人馳乘往取之
僕人得藥鞭馬而迴將及近坊馬奔而覆
之僕懼甚嚴不敢復去遂詣一涂坊丐
得池脚一餅子以給其主既服之其病立
愈田只知病愈不知藥之所來飲子之家
聲價轉高蓋福醫也

范汪燃薪 玄景挂木

晉中興書范汪字玄平不知何許人少孤
年六歲過江依外家新野度氏廬園中布
衣蔬食燃薪寫書性仁愛善醫術常以拯
恤爲事凡有疾病不限貴賤皆爲治之撰
方五百餘卷又百七十卷後人詳用多獲
其効

朝野僉載如意年中洛州人趙玄景病卒
五日而蘇云見一僧與一木長尺餘教曰

人有病者汝以此木拄之即愈玄景得見
機上尺乃是僧所與者試將療病拄之立
差門庭每日數百人御史馬知己以其聚
衆追之禁左臺病者滿於臺門則天聞之
追入內宮人病拄之則愈放出任救病百
姓數月以後得錢七百餘貫後漸無驗
遂絕

熙獲鏡經 俠撰心錄

談藪徐文伯祖熙之好黃老隱於秦望

山有道士過乞飲留一胡盧子曰君子孫
宜以此道術救世當得二千石熙開視之
乃扁鵲鏡經一卷因精學之遂名振海內
仕至濮陽太守

唐書宋俠不知何許人性明敏有學術精
於經方本草尤所熟尚竟以醫術著名撰
所用効方十卷號經心錄官至藥藏監

葛治五絕 李用八毒

名醫錄五絕病者一日自縊死氣已絕二

曰墻壁屋崩壓死氣已絕三曰溺水死氣
已絕四曰鬼魘死氣已絕五曰產乳死氣
已絕並能救治之問葛生授何人得此神
術能活人命生曰我因入山採藥遇白衣
人問云汝非葛醫生否曰然我乃半夏之
精遇人有五絕之病用我救治即活但用
我作末水元令乾入鼻孔中即生矣

續搜神記李子豫少善醫方當代稱通
靈路永爲豫州刺史鎮歷陽其弟得

疾心腹堅痛居一夜忽聞屏風後有鬼言
何不速殺之明日李子豫當以赤丸打汝
汝即死矣及旦遂使人迎子豫既至病者
忽聞腹中有呻吟之聲及子豫入視鬼病
也遂於巾箱中出八毒丸與服之須臾腹
中雷鳴絞轉大利數行遂差今八毒元
方是也

楊慶妙論

仲景良醫

史記楊慶齊人也年七十餘有古先黃帝

扁鵲脉書五色詎病知人死生決嫌疑定
可否治及藥論之書甚精妙

名醫大傳張機字仲景南陽人受術於同
郡張伯祖善於理療尤精經方舉以孝廉
官至長沙太守後在京師爲良醫時人言
其識用精微過於伯祖

居達救死 杜信扶危

神仙傳封居達年百餘歲往來鄉里視之
年三十許人常騎青牛行聞有疾病死者

識與不識遇便以藥治之應手而愈不以
姓字語人識其青牛故號青牛道士

史記杜信高永侯家丞性度溫恭謙柔好
學自知身病乃息心學醫自欲扶危持顛
兼以安人濟衆倉公甚怜之教以上下經
脉五詎之法

玄俗治殃 倉公決疑

列仙傳玄俗者莫知其姓自言河澗人常
食巴豆雲母賣藥於都市七元一錢爲人

治病河澗王病買藥服之下地十餘頭王
問其病源藥性玄俗曰王病乃六七世餘
殃非王今所知也

史記太倉公者齊太倉長臨淄人也姓淳
于氏名意少而喜醫方術高后八年更受
師同郡元里公乘楊慶慶年七十餘無子
使意盡去其故方更悉以禁方予之傳黃
帝扁鵲之脈書五色診病知人死生決嫌
疑定可治

遠遊詔用 弘景表辭

張太素齊書張遠遊齊人以醫藥道術知名尋有詔徵令與術士同合九轉金丹丹成顯祖置之玉匣曰我貪人間樂不能飛上天待我臨死方可服之

梁書陶弘景字通明丹陽秣陵人也祖隆王府參軍父貞孝昌令初弘景母郝氏夢兩天人手執香爐來至其所已而有娠以宋孝建三年夏至日生幼而有異操年四

五歲恒以荻爲筆畫灰中學書至十歲
得葛洪神仙傳晝夜研尋便有養生之志
未弱冠齊高帝作相引爲諸王侍讀除奉
朝請家貧求宰不遂永明十年脫朝服挂
神武門上表辟祿詔許之

高期頗通 褚澄先審

史記高期不知何許人入仕爲濟北王太
醫王以期術藝未精遣就太倉公意學經
脉高下及奇恒絡結俞穴所居及氣當上

下出入邪正逆順之宜定鑱石灸之法歲
餘亦頗通之以此知名

齊書褚澄者齊尚書吳郡太守字彥道
後魏吏部侍郎彥同之子雅有才量好經
方善醫診處占候究盡其理疾病療無問
貴賤皆先審其苦樂榮悴鄉壤風俗水土
所宜氣血強弱然後裁方用藥至於寡婦
尼僧必有異乎妻妾之療

郝老明方 與權識證

名醫錄皇祐中有學究任道腿間患一瘡
始發赤腫復絕便變黑後穴有黃水出四
邊浮漿起累治不差有醫者主通看之此
瘡狹長似魚臍下瘡也以一異散子用雞
子清調傳其瘡日三易而數日得愈任道
求其方通曰止用雪玄一味自後累訪名
醫求其雪玄何物也諸醫皆不能別道因
會醫者郝老曰嘗記聖惠中有一方治此
疾用臘月豬頭燒灰以雞子清調傳此

乃是也雪玄爲藥非郝老博學而多記後
醫豈不惑耳

夷堅志楊惟忠病時面發赤如火群醫不
能療子壻陳慥憂之以問胡脩然有蘄
人謝與權世爲儒醫脩然引之視疾旣入
不訖脉曰證候已可見楊公妻益國夫人
滕氏令與衆議藥有宋張二醫曾已下正陽
丹白澤元加鍾乳附子矣謝曰此伏暑證
也宜用大黃黃芩等物因疏一方議不合

時楊公年六十餘新納妾嬖夫人意其以是得疾不用謝言謝退謂脩然曰今楊公病深矣若果服前兩藥明日午當躁渴至未時必死吾來助諸公哭弔也脩然以語陳慥慥不敢泄明日楊卒皆如謝言

元忠倜儻 秦信明敏

北齊書李元忠趙郡柏仁人也代爲著姓元忠倜儻博學通陰陽術數初以母老多患乃專心醫藥人有疾病無問貴賤咸

爲療之故鄉里推敬聲稱益遠後拜南郡太守

史記秦信少明敏有度量好經方本草及黃帝扁鵲之脉書當代爲良醫

唐安溫雅 阮俚沉靜

史記唐安臨淄人也風儀溫雅性好醫術就淳于意求學意教以五詠上下經脉爲齊侍醫

晉書阮俚字德如陳留尉氏人幼而聰惠

長而好學性沉靜有大度以秀才爲郎遊
心方伎無不通會於本草經方療之法尤
所耽尚官至河內太守

周澹賜妾姜撫通僊

北史周澹京兆鄠人也多方術善醫爲太
醫令明元嘗苦風頭眩澹療得愈由此
特進賜爵成德侯神瑞二年京師飢朝議
遷都於鄴澹與博士祭酒崔浩進計言不
可明元曰唯此二人與朕意同詔賜澹浩

妾各一人卒謚曰恭

唐書姜撫宋州人自言通僊人不死術隱居不出開元末太常卿韋縯祭名山因訪隱民召至東都舍集賢院因言服常春藤使白還鬢則長生可致藤生太湖最良終南往往有之不及也帝遣使者至太湖多取以賜中朝老臣因詔天下使自求之

郝允苦瓢 王通雪玄

名醫錄王樞相出鎮而患腹中滿牽急不

食多倦至鄭州聞本州老醫郝允曰此謂脾經有濕邪勝於中焦滯氣鬱塞故也不須內治可外治而差當用一苦瓢以苦酒炒灰置其中熨之腹臍但下泄之數次自安公令治之當下獲驗公曰何異哉允曰黃素謂濕氣在下以苦泄之又岐伯言從內之外者調其內從外之內者治其外此病因汗承涼臍腹失蓋自外至內矣允故以外治之者差也

名醫錄任道患瘡有醫者王通以一異散子用雞子清調傳其瘡得愈任道求其方通曰止用雪玄一味

詳見上郝老明方

智藏誠孝 法程報愆

隋書許智藏高陽人也祖道幼嘗以母疾覽醫方因而究拯世號名醫誠其諸子曰爲人子者嘗膳視藥不知方術豈謂孝乎由是世相傳授仕梁官至員外散騎侍郎

夷堅志溫州醫僧法程字无枉少瞽百端
治之不愈但晝夜誦觀世音菩薩名號如
是十五年夢中聞菩薩呼之使前若有物
繫其足不可動菩薩歎曰汝前世爲灸師
誤灸損人眼今生當受此報愆難以免但
吾憐汝誠心當使汝衣食豐足遂探懷
中掬珠寶滿手與之旣寤醫道大行衣
鉢甚富至七十餘猶在

治撰三卷

劉著十篇

名醫大傳胡洽道士性尚虛靜心栖至道亦以拯救爲事以醫術知名撰經用驗方三卷至今傳焉

夷堅志饒州曲江人劉從周妙於醫術有自得之見著書十篇大氏與世俗異其論痢疾云常人以白痢爲冷證赤痢爲熱證故所用藥如冰炭其實不然但手足和緩則爲熱當前粟米湯調五苓散繼服感應圓二十粒即愈手足厥冷則爲寒當服已

寒圓之類凡治痢當以此別之初不問赤白也如盛夏發熱有傷寒冒暑之證若熱有進退則爲冒暑一向熱不止則爲傷寒當以此別之且云穀道外腎之間所生癰毒名爲懸癰醫書所不載世亦希有知者初發時唯覺甚痒狀如松子大漸如蓮實四十餘日後始赤腫如胡桃遂破若破則大小便皆自此出不可治矣其藥用橫紋大甘草一兩截爲條每長三寸許取山澗

東流水一大盞

井水河水不可用

以甘草蘸水文

武火慢炙不可性急須用三時久水盡爲

度壁視草中水潤然後爲透却以無灰酒

兩碗煮俟至一半作一服溫服之初未便

効驗過二十日始消未破者不破可保安

平雖再進無害林謙之爲廣東提刑與劉

善劉念南越無知音持所著書倩作序林

許之然未幾年不幸不知此書今安在也

興化守姚康朝正苦此癰衆醫拱手林授

以此方兩服而愈

靖公治意 宣文觸諱

名醫錄徐書記有室女病似勞累醫不差
聞靖公善醫求訴脉公曰此子二寸脉微
伏是因憂思之過氣積於胃腑中也故病
以隔氣而復苦勞疾請示病實治之無差
誤徐公曰女子因睡中驚叫言有蛇入腹
中細詢之是夢見吞下蛇也因此漸成病
靖公曰有蛇在腹中須是轉下便差某有

斬蛇丹服之其蛇從大便中出仍須貧道
於側近守宿夜服其藥果有小蛇取下女
疾遂愈有好事者詢之靖公公密言此非
蛇病也其女因夢蛇憂之過感斯疾吾當
治意而不治病其蛇亦非自臟腑中出吾
本只與轉藥也

齊書鄧宣文太醫尚藥典御不知何許人
少以醫術知名志性方直不避忌諱武成
王生齟齬牙召諸醫尚藥典御令視之鄧宣

文以實對帝帝怒而扶之召徐之才之才
拜賀曰此所謂智牙生則聖明而壽帝大
悅賜帛万疋加金玉重寶

張敦夢神公景走鬼

夷堅志廬陵人張敦精於醫術浪跡嶺外
嘗僑寓潮州夢人邀至一家如王居俄有
導之使入及廷下望其上一人冠服正坐
一少年著淺色衣紅勒巾引敦上訴脉敦
云腎臟風虛恐耳鳴爲害冠服者曰連日

正苦耳痛看得極好且覓藥顧少年可
與二十千數未暇予藥驚而寤不省爲
何處疑必神祠也明日徧訪求至南海行
廟盡憶夢中所歷引而上者蓋東廡小殿
王子也登正殿瞻視則神像左耳有黃蜂
巢焉即剔去焚香再拜而退又明日郡之
稅官折簡來云有麻豆船過務敗稅言是
君家物果否數念初無此亟往證其妄見
舟人已繫梁間遙呼曰某乃劉提舉姻家蔡

秀才田客知君與提舉厚又與監稅有舊
故托以爲詞尔躬爲營解縱去旣而蔡生
來謝且餉布帛之属正直二十千

朝野僉載郝公景於泰山採藥經市過有
見鬼者恠羣鬼見公景皆走避之遂取藥
和爲殺鬼丸有病患者服之差

杜公弗効 用成罔昧

名醫錄五代時江左有杜公年百餘歲善
治目疾能收奇方當世呼爲神靈翁復自

患風赤眼兩臉赤腫時時而發弗能効謂
靈龜能靈人而不能靈身公能治人而不
能治己也

名醫錄 仁廟時公主患召小方脉醫官
李用成診脉奏曰夾驚傷寒也 仁廟大
駭再三宣諭用心下藥用成再奏曰只今
下藥但公主鼻端額角微有汗少時便安
其用成只以常服食藥加圓服之公主少
時略動一行即便惺惺面 仁廟言無事

上喜之批旨赴朝廷與轉章服外特賜宣
補禁中神醫也時有識者議曰若果是夾
驚傷寒豈轉下而卒能安也既轉而安正
是傷飲食也大抵冷食傷胃亦令人頭痛
而壯熱用成之妄言何動 聖情僥倖恩
賜也噫今之醫又故與前賢不同矣食官
家之祿職居禁廷凡醫貴近尚設機巧而
罔昧一人何況治民俗者哉

元欽蛇肉 太醫獺髓

朝野僉載泉州有客盧元欽染大風唯鼻
根未倒屬五月五日官取蟬蛇膽欲進或
言肉可治風遂取一截蛇肉食之三五日
頓漸可百日平復

酉陽雜俎吳孫和寵鄧夫人嘗醉舞如意
誤傷鄧頰血流嬌婉弥苦命太醫曹合藥言
得白獺髓雜玉與虎魄屑當滅此痕和以
百金購得白獺乃合膏虎魄太多及差
痕不滅左頰有赤點如痣

深師療脚 鼃龍治眸

千金序僧深齊宋間道人善療脚弱氣之疾撰醫方三十餘卷經用多効時人號曰深師方焉

名醫錄郭太尉久害目盲有白翳膜請張鼃龍治之曰此眼緣熱藥過多乃生外障張用猪膽微火銀鈹內煎成膏入冰腦粒如黍米大點入眼中覺翳輕又將猪膽白膜皮曝乾合作小繩如釵大小燒灰待冷

點翳亦能治之

醢妬扁死 趙言沈羞

史記李醢爲秦太醫令少以醫術自業自
知伎不如扁鵲遂密使人刺殺之

名醫錄慶曆中有進士沈常爲人廉潔方
直處性寡合未嘗省薦乃入京師別謀生
計因遊看至東華門偶見數朝士躍馬揮
鞭從者雄盛詢之市人何官位也人曰翰
林醫官也常歎曰吾窮孔聖之道焉得不

及知甘草大黃之輩始有意學醫次見市
廩貨藥者巧言艱苦復又耻爲疑貳不決
與同人共議同人曰五輩學則窮達方書
師趣名公且非常流也是時趙從古爲太
醫醫師常輒以長書請見從古迎候非輕
常曰此來窮蹇之人因同人相勉令學醫
聞君名公也故來師問從古曰醫術比之
儒業然其次也蓋動掌性命非謂等閑學
者莫非恠好專志方達其妙足下旣言窮

蹇是志未得遂復却學醫深恐鬱滯之情
未能精研常慍色而曰吾然窮蹇乃自服
儒讀孔孟之書粗識歷代君臣治之道今
屈志學之伎術豈爲高藝從古曰吾道非
賤士能矣未諭上古有三皇著設醫教且
如漢之張仲景晉之葛洪齊之褚澄梁之
陶隱居非不服儒有才行輩吾聞儒識禮
義醫知損益禮義之不修唯昧孔孟之教
損益之不分最害命之至切故晉有士人

欲正周易及諸藥方先與祖訥共論祖曰
辨釋經典縱有異同不能以傷風教祖至
於湯藥小小不達便致壽夭所由則後人
受弊不少何可輕哉常聞從古之言羞慚
而退

銀匠下責 都料取鉤

名醫錄張成忠漢上人有女年七八歲因
將母金責子一隻剔齒含在口中不覺嚥
下入胃膈上不下疼痛數日醫工難治父

母憂惶更無措手忽有打銀匠來見云某能治得明日方見効用藥某自備來張成忠云果救得小女奉贈二百千銀匠家少時將到黑藥一包抄三錢許用米飲調令女子服當夜便可疼天明上後看黑藥裏金責子下來父母喜而召銀匠與二百千相謝遂問銀匠覓此方匠者笑曰此方用錢不多只能救急曰迺羊鋌搗爲末且後有名醫詳曰羊鋌炭能鍛五金見炭更腹

中真火發金遂軟而下也

名醫錄咸平中職方魏公在潭州有數子弟皆幼因相戲以一釣竿垂鉤用棗作餌登陸約雞鵠一子學之而誤吞其鉤至喉中急引乃鉤以鬚逆不能出命之諸醫不敢措手魏公大怖令人遍問老婦必能綿歷時有一老婦言未嘗見此竊料有智識者可出之時本郡有一莫都料性甚巧公召之莫都料至沉思時久言要一蚕蠶及

大念珠一串公與之都料遂將蠶前如錢
大用物權四面令軟以油潤之仍中通一
竅先穿上鈎線次穿數珠三五枚令兒正
坐開口旋之添引數珠挨之到喉覺至繫
鈎處乃以力向下一推其鈎脫即向上急
出之見蠶錢向下畏鈎定鬚而出並無所
損魏公大喜遂厚賂之公曰心明者意必
大巧意明者心必善醫耳

商人嬰底 草澤筆頭

朝野僉載商州有人患大風家人惡之山中爲起茅舍有烏蛇墜罌中病人不知飲酒漸差罌底見蛇骨方知其由也

名醫錄李王女公主患喉內癰毒飲食不下召到醫官言須針刀開方得潰破公主聞用針刀大哭不肯治忽有一草澤醫人云某不使針刀只將筆頭蘸藥癰上霎時便潰公主喜遂令治之王言果愈當補翰林醫官仍酬三百千方兩次上藥遂潰

出膿血一盞餘便覺兩日無事遂酬謝補
官訖令供其方醫者乃請罪云某乃以針
繫筆心中遂輕輕劃破其潰散耳無此方
王遂赦之言醫者意也以意取効耳

纂集名醫博攷今古倘或闕遺異其綴補

歷代名醫蒙求卷之下

歷代名醫蒙求釋音

卷之上

處犧

古字上音義

拯

音丞上聲救也

夭枉

不得天命而死也天音妖上聲

診

候脉也章忍切亦作詵

雒

音洛

嬖臣

愛至曰嬖又寵也音閉

摯

音至

歎

也音熙

孱弱

上音劣也音潺

洩

音小

悍

音悍

又音

扁鵲

上音薄

舄

履也音昔

癥

腹病也音毀

鉤

黃病也

百中

中音去聲

脩

羊音切

綜

子宋切

惜

九差字皆音釵

去聲

呻吟

上音申

鏹

錢貫也居兩切

塞

音塞

螫

音釋

虺

許結切

齧

五感以喪志

喪息

浪切失也惑

洽

音狹

顏

五罪

稽古

上音雞

考也

嬰

音纓

病也則

數

音叟

懨

疲也

陟

脈

與脉同

大厲

鬼也

搏膺

越胃也

醫緩

下胡管切

膏肓

心下爲膏心上爲肓

下爲膏下音荒

鉉

玄上聲

擣

與搗同

振

練結切

塞門

塞滿也

汶

音問

瀨

音賴

逆

旅

客店也

詰

溪吉切

緡

錢貫也

華佗

上音去聲

下音陀

謚

痺

濕病也

眇

一目小也

揣

初委切

瘕

腹病也

音架

鉗

音痺

必至切

眇

餌

食也

仍

操

篙

上七切

珽

服膺

俯服其

胃臆也

涪翁

上音縛

甄

音真

庫狄

複姓

欽

殼

張弓也

音勾去聲

棚

射棚

音朋

韓伯休那

那餘語聲也

音乃賀切

區

女

女老之稱

衣遇切

擠

音

礎

石針也

方驗二切

廉

瘍

音

揚

屏

之

上音餅去

也

潼

都乳汁也

療

音

裸

斬

音

斤

懣

音

煩

也

水

蛭

馬蟻

也音

質

疔

腹中急痛

也音絞

倒

仆

上音島

下音赴

又音

替

音

匣

卷之下

獺

他達切

璜

音

皇

妊娠

懷孕也

上音壬

捫

摸也

音

門

芥

病

弱

兒

音

翊

日

明

目

情

莫孔切

青

麤

一名地節

一名黃芝

主理五藏益精氣本

出於迷入山者見仙人服之字書無麤字後漢書作

女廉切然今人無識者也魏志作黏字後漢書作

黏

塗

字

塗

音

徒

又

鑱

仕衫仕

搯

女白

湔

浣

洗也

上

胡管

漱

又音

嗽

又音

嗽

音

瘦

臆

音

憶

璟

音

悸

其

季

蜿蜒

音

箋

下

切

切

管

漱

又音

嗽

音

瘦

臆

音

憶

璟

音

悸

其

季

蜿蜒

音

上音駕

蛇行兒蛇又音苑

銳

以芮切

疵

才移切

同與

踴逢

音蓬

程

汀音

希

切

踵

踵接脚而來也

殂

死也昨切

尿

小便或作溺

啜

悅昌

烹鮮

下音仙

餐

七安切

鰻

音

徇

薛閏切

決

顱顱

信上音盧

頭

會腦蓋也

擲

阻瑟切

泊

僅

餘也纔也

箊

竹箊音同

蠻

療

夷別名

句

容

邑名句

嬰童

女曰嬰

未有室

家曰童

婦

切

芻

草也說文云刈草

踣

又音赴

與

什

同

襦

短衣也

蘇

本作蘇

死

顱

魚容

音儒

音儒

蘇

而更生也

顱

切

鮫

中人腹

長

蟲也

咏

與詠同

強

其兩切

售

賣也音授

拄

知庾切

俠

按音濮

音回

縊

自經死也

魘

於琰於切

予

音與

弱冠

男子年二十也

下音

朝請

請音淨

挂

與掛同

檟

音由

脩

音蕭

切

倜儻

不羈也

上他歷切

侶

古文

尉氏

如字

邑名上

鄴

縣名胡謚

示音

緇

音條

鬢

音彰

禰

无枉

無瞽

無目也

縶

繫絆也

栖

音西

蕪

以物同

水

倩

假倩也

齟

音顛

扶

打也

僑

寄居也

客也

遇

庶

音堂

餉

銅鑄式

噫

痛傷之聲

蟬

音

惋

鳥貫

購

音購

痣

皮膚上一黑

鼉

音陀

眸

子也

曝

音日乾也

醢

音同醢

愠

音怒也

串

音劍挨也

乙諧切

嬰

音器也

攷

古文攷字

倘

音同倘

歷代名醫彙纂求釋音終

愚偶詣醫生楊君之舍話次出示所抄一書曰名醫大傳乃與名醫錄殊別因撰集姬侍類偶始絕筆復欲倣是作牽強即成數十句又可屬對竊觀前修所制三洞羣仙錄紀述仙道之奇

蹤又有釋氏蒙求具載高僧之
異事唯醫藥之流未聞所編繇
是檢閱諸史雜說之書掇其前
二集所載闕遺類韵參續僅二
百句共一百聯計二百有二人
分爲卷之上下名曰歷代名醫

蒙求見其間有技術尤精藥方
經驗事實涉異議論甚宏者良
可健羨自惟類聚歸一成聯易
覽亦足目備遺忘於是命工鋟
木與好事者共之然上舍蘇君
因見斯藁而作序揮翰已非所

堪迨至印書將成深愧示人目
召歎鄙謾疥紙于卷末云是禊
嘉定上章執徐且月上浣日窳
菴周守忠謹書

臨安府太廟前尹家書齋刻